



Теңізшевройл Деректер мен дәйектер

2020 жылдың үшінші тоқсан қорытындылары

Тарих/Қатысушылар

- Әлемдегі ең терең және ірі мұнай кеніштерінің бірі болып саналатын Теңіз мұнай кеніші 1979 жылы ашылды.
- «Теңізшевройл» жауапкершілігі шектеулі серіктестігі (әрі қарай - ТШО) 1993 жылы 6 сәуірде Қазақстан Республикасы мен «Шеврон» компаниясы арасында жасалған келісім негізінде құрылды.
- Қазіргі таңдағы ТШО серіктестері : «Шеврон» - 50%, «ҚазМұнайГаз» ҰҚА АҚ - 20%, «ЭксонМобил Қазақстан Венчурс Инк.» - 25% және «ЛукАрко» - 5%.

Өнім өндіру/Қорлар

- Теңіз коллекторының жалпы барланған қоры 3,2 миллиард тонна (25,5 млрд баррель), ал Королев кен алаңында 200 миллион тонна (1,6 млрд баррель) мұнайды құрайды.
- Теңіз және Королев кеніштерінен алынатын мұнай қоры 890 миллионнан 1,37 миллиард тоннаға дейінгі мөлшерде (7,1 – 10,9 млрд баррель).
- Теңіз коллекторының ені 20 шақырым (12 миль), ұзындығы 21 шақырым (13 миль).
- ТШО 2008 жылы Шикі газ айдау және Екінші буын зауыты (ШГА/ЕБЗ) жобасын аяқтап, нәтижесінде мұнай өндірудің тәуліктік көлемі шамамен 75 000 тоннаға немесе 600 000 баррельге, ал табиғи газ 22 миллион текше метрге немесе 750 миллион текше футқа жетті.
- 2020 жылдың қаңтарынан бастап, қыркүйектің аяғына дейін шикі мұнай өндіру көлемі 20,16 миллион тоннаны (159,08 млн баррель) құрады.

Денсаулық сақтау, өнеркәсіп қауіпсіздігі және қоршаған ортаны қорғау

- 2000 жылдан бері ТШО табиғат қорғау шараларын жүзеге асыруға 3,12 миллиардтан астам АҚШ долларын салды.
- 2000 жылдан бері өндірілген мұнайдың бір тоннасына шаққандағы атмосфераға жіберілген шығарындылардың көлемі 74%-ға азайды. (2020 жылдың 9 айындағы көрсеткіштің 2000 жылдың 9 айымен салыстырғандағы қысқарған көлемі)).
- 2020 жылдың қаңтар-қыркүйек айларында ТШО өндірілген газдың 99,3%-ын кәдеге жаратты.
- 2020 жылдың үшінші тоқсаны соңында суды қайтадан пайдалану көрсеткіші 48%-ды құрады. ТШО тұрмыстық ағын суларды кәдеге жарату, өндірістік мақсатта тазарту және қайта пайдалану арқылы суды үнемдеу бағытындағы іс-шараларды одан әрі жүзеге асыруды жалғастыруда.
- ТШО қалдықтардың 35-тен аса түрін қайта өңдеуге жібереді. 2020 жылдың үш тоқсанында қалдықтарды қайта өңдеу бойынша жалпы көрсеткіш 49,83%-ды құрады.
- С 1993 года ТШО закупил товаров и услуг казахстанских поставщиков на сумму более 35,7 миллиарда долларов США.

Өнімді өткізу

- 2020 жылдың тоғыз айында ТШО сату көлемін 1,355 мың тоннадан аса сұйытылған газ, 5,6 миллиард текше метр құрғақ газ өткізсе, күкірт сату көлемін 1,8 миллион тоннадан асырды.

Қазақстан Республикасы үшін артықшылықтар

- 1993 жылдан бастап, 2020 жылдың үшінші тоқсаны соңына дейінгі аралықта ТШО-ның Қазақстан Республикасына тікелей қаржы төлемдері 151 миллиардтан астам АҚШ долларын құрады. Бұған ТШО-ның жергілікті қызметкерлеріне төленген еңбекақысы, қазақстандық тауар өндірушілер мен жабдықтаушылардың өнімдері мен қызметтерін сатып алуға жұмсалған қаржы, мемлекеттік кәсіпорындарға аударылатын тарифтер мен төлемдер, қазақстандық серіктеске бөлінген дивидендтер, сонымен қатар мемлекеттік бюджетке аударылған салық және роялти түріндегі төлемдер кіреді.
- 2020 жылдың үш тоқсанында ТШО-ның Қазақстанға төлеген тікелей қаржы көлемі 5,3 миллиард АҚШ долларды құрады.



Теңізшевройл Деректер мен дәйектер

2020 жылдың үшінші тоқсан қорытындылары

- 2020 жылдың қаңтар-қыркүйегінде ТШО қазақстандық қамтушылардың тауарлары мен қызметтерін пайдалануға 2,8 миллиард АҚШ доллары көлемінде қаржы жұмсады, оның 1,9 миллиард АҚШ доллардан астамы ККЖ-ҰЕҚБЖ аясында жұмсалды. 1993 жылдан бері ТШО 35,7 миллиардтан астам АҚШ доллары көлеміндегі қазақстандық қамтушылардың тауарлары мен қызметтерін пайдаланды.

Қызметкерлерді шыңдау

- Негізгі өндіріс пен ККЖ-ҰЕҚБЖ-да жұмыс істейтін қазақстандық қызметкерлердің үлесі 82%-ды құрайды. ККЖ-ҰЕҚБЖ жұмысшыларын есепке алмағанда, ТШО қызметкерлерінің 90%-ын қазақстандықтар құрайды. 1993 жылы бұл көрсеткіш 50% болатын.
- Негізгі басшылық құрамның 73%-ын қазақстандық жоғары және орта буын жетекшілер құрайды. ККЖ-ҰЕҚБЖ-ны есепке алмағанда қазақстандық жоғары және орта буын басшылардың жалпы үлесі 83%. Кадрларды оқыту және шыңдау жөніндегі тұрақты бағдарламалар нәтижесінде анағұрлым жауапты басшылық лауазымдарға жергілікті қызметкерлер көбірек тартылуда.

Әлеуметтік салаға үлес

- 1993 жылдан бері ТШО өз қызметкерлері мен жергілікті тұрғындардың игілігі үшін Атырау облысының әртүрлі әлеуметтік жобаларына 2 миллиард АҚШ доллардан астам қаржы жұмсады.
- «Игілік» ерікті әлеуметтік инфрақұрылым бағдарламасының 2020 жылғы бюджеті 25 миллион АҚШ долларын құрайды. Аталмыш қаржының негізгі үлесі Атырау облысында балабақшалар, мектептер және басқа да әлеуметтік нысандардың құрылысына бағытталуда.
- 2020 жылы Атырау және Маңғыстау облыстарында денсаулық сақтау, білім беру сапасын көтеру және әлеуметтік кәсіпкерлікті дамыту мақсатында ТШО-ның әлеуметтік инвестициялар бағдарламасы аясында 2,2 миллион АҚШ доллардан астам қаржы бөлінді.

Келешек кеңею жобасы – Ұңғы ернеуіндегі қысымды басқару жобасы

Жалпы мағлұмат

- 2016 жылы ТШО Серіктестері Теңіз кен орнының өндірістік қуаттылығын арттырудың келесі кезеңі болып табылатын Келешек кеңею жобасы мен Ұңғы ернеуіндегі қысымды басқару жобасын (ККЖ-ҰЕҚБЖ) қаржыландыруға қатысты қорытынды шешімнің қабылданғаны туралы хабарлады.
- ҰЕҚБЖ кеніштегі ұңғы ернеуіндегі қысымды төмендетіп, өнім зауытқа жеткен кезде қолданыстағы алты технологиялық желінің кіреберісіндегі қысымды көтеру арқылы Теңіз кен орнындағы қолданыстағы зауыттарды толық қуатта ұстап тұратын болады.

Қазақстандық қамту

- ТШО ККЖ-ҰЕҚБЖ жүзеге асырыла бастаған бері қазақстандық тауарларды, жұмыстар мен қызметтерді сатып алуға 10,3 миллиардтан астам АҚШ долларын жұмсады.
- ТШО инженерлік, материалдық-техникалық және өндірістік қызметтерді көрсетуге қазақстандық компанияларды жұмылдыруда. ККЖ-ҰЕҚБЖ жобасына қатысу үшін 2350-ден астам қазақстандық компания алдын-ала іріктеліп алынды, олардың 1281-і алдын-ала біліктіліктен өтті.
- Аталмыш жобада жұмыс істейтіндердің шамамен 91 пайызы қазақстандықтар.

Жоба бойынша жұмыс барысы

- Қазақстандағы және әлемдегі басқа да көптеген компаниялар сияқты, «Теңізшевройл» ЖШС (ТШО) адамдардың денсаулығын қорғау, қызметкерлердің қауіпсіздігін қамтамасыз ету үшін, күрделі жағдайда жұмыс істеуді, мақсатты шараларды қабылдауды, сондай-ақ COVID-19-дың шаруашылық қызметіне ықпалын барынша азайтуды жалғастыруда.
- Компания аса маңызды жұмысты қауіпсіз атқаруға және жобаны одан әрі қарай жүзеге асыруға бағытталған шараларды қолға алуда.
- 2020 жылдың үшінші тоқсаны соңындағы ахуал бойынша, Оңтүстік Кореядағы модуль жасау жұмыстары аяқталды. Барлық 81 модуль Кореядан теңіз жолы арқылы жөнелтілді.



Теңізшевройл Деректер мен дәйектер

2020 жылдың үшінші тоқсан қорытындылары

- Келешек кеңею жобасы – Ұңғыма ернеуіндегі қысымды басқару жобасының (ККЖ-ҰЕҚБЖ) соңғы модулі 2020 жылдың 28 қазанында Қазақстандағы Теңіз кен орнына қауіпсіз жеткізілді. Аталған жоба дамуындағы маңызды бұл меже шет елдерден Қазақстанға 408 модульді жеткізудің үш жылдық бағдарламасы аяқталғанын көрсетеді. Барлық модульдер жоспарға сәйкес уақытында жеткізілді, бұл Теңізде орнату және құрылыс жұмыстарын уақытында жалғастыруға мүмкіндік береді.
- Жобаның барлық құрылыс нысандарында «сыни жол» жұмыстары жүруде. Үшінші буын зауыты (ҮБЗ) мен Шикі газды айдаудың үшінші буыны (ШГАҮБ) алаңдарында модульдерді жинау және орнату жұмыстары атқарылуда. ҮБЗ-да 40-алаңда бірінші кезектегі ҚМБ-ларды жинауға, сондай-ақ отын газы жүйесінің құбыр байланысын орнатуға дайындық жұмыстары жалғасуда. ШГАҮБ алаңында тіреу тақталарын цементтеу жұмыстары орындалып, техникалық қызмет көрсетуге арналған платформаның монтажи жалғасуда.
- ККЖ-ҰЕҚБЖ - республикалық маңызды жоба. Оны жүзеге асыру Қазақстанға жоғары білікті жұмыс күшін, халықаралық компаниялармен серіктестік арқылы енгізілген технологиялар, сондай-ақ аймақта жаңартылған инфрақұрылым түрінде мұра қалдырады.